

Puma, 6j.



suchet es eigens Daheime mit Freigang

Liebi Tierfründe

Hoi, ig bi d'Puma, nid dr Puma, bi es Meitschi, gäu! Ig seh es bitzeli us wie e Siubrlöw, abr ig bi ganz u gar uugfährlech, ährlech. U das sag ig nid nur, wiu ig uf dr Suechi nach eme nöie Daheime bi. Warum? Mi hei sy us schlächtr Hautig grettet u itze läb ig uf ere Pflägschtäu, abr s'isch Ziit, ig hätt doch so gärn es eigens Daheime, nur für mi allei. Drum!

Ig bi 6jährig, kaschtriert, gimpft, chippet, gsung u schtuberein. E ganz e liebi pflägeliichti Chatzedame, sähr mönschebzoge u aahänglech, ig schmüese für mis Läbe gärn. U schpiue erscht, ig liebe es, mit auem u jädem, bsundrs abr mit mim Mönsch. Ig lah mi bürschtele u ummetrage, bsundrs, we's is Bettli geit, ig pfuuse doch so gärn im Bettli vo mim Mönsch. Dörft ig das bi Dir ou? Bitte, gäu! Ig bi nöigiirig u säubschtgewusst. We Du mi chommsch bsueche, denn bin ig parat u wärd Di beschnuppere, muess doch wisse, wer Du bisch. Hung u Chatz wott ig nid daheime, ig bi e geboreni Alleiprinzessin. Grösseri Ching so ab 12i sy härzlech wiuchomme, mit iehne chönnt ig schpiue. Ah ja, u Freigang, das möchte ig ou, ir verchehrsarme Umgäbig, durch's Törli düre, so dass ig immr usse u inne chah, wenn ig das wott. Ig chenue s'Läbe dusse scho vo Ründeli drähe ar Liine, isch tou gsi, abr ohni Liine muess das no viu bessr sy. Auso ig wünsch mir würklech Freigang ohni Liine.

Ig hätt so gärn es Daheime bi liebi Lüüt mit viu Ziit für Striicheleiheite u Schpiuschtunde mit mir, die wo mir nach Iigwönigsziit Freigang ir verchehrsarme Umgäbig chönntet biete. Siit Dir e toue Familie u wohnt Dir ebeändig, villiicht sogar mit Garte? MIM Garte? Das wär's! Denn müesset mir üs unbedingt lehre chenue. Ig wohne derziit noch z'Zürich-Affoltern/ZH, zügale abr gärn Du Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Ig fröie mi uf Di u Din erschte Bsuech!

Dini Puma



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch